

韓愈、師說

古之學者必有師
師者
所以傳道受業解惑也
人非生而知之者
孰能無惑
惑而不從師
其為惑也
終不解矣
生乎吾前
其聞道也
固先乎吾
吾從而師之
生乎吾後
其聞道也
亦先乎吾
吾從而師之
吾師道也
夫庸知其年之先後生於吾乎
是故無貴無賤無長無少
道之所存
師之所存也
嗟乎
師道之不傳也久矣欲人之無惑也
難矣
古之聖人
其出人也遠矣
猶且從師而問焉
今之眾人
其下聖人也亦遠矣

而恥學於師
是故聖亦聖
愚亦愚
聖人之所以為聖
愚人之所以為愚
其皆出於此乎
愛其子
擇師而教之
於其身也
則恥師焉
惑矣
彼童子之師
授之書而習其句讀者
非吾所謂傳其道
解其惑者也
句讀之不知
惑之不解
或師焉
或不焉
小學而大道
吾未見其明也
巫醫樂師百工之人
不恥相師
士大夫之族
曰師曰弟子云者
則群聚而笑之
問之
則曰
彼與彼年相若也
道相似也
位卑則足羞

官盛則近諛
嗚乎
師道之不復可知矣
巫醫樂師百工之人
君子不恥
今其智乃反不能及
其可怪也歟
聖人無常師
孔子師郯子萇弘師襄老聃
郯子之徒
其賢不及孔子
孔子曰
三人行
必有我師
是故弟子不必不如師
師不必賢於弟子
聞道有先後
術業有專攻如是而已
李氏子蟠
年十七
好古文
六藝經傳
皆通習之
不拘於時
學於余
余嘉其能行古道
作師說以貽之